

الفصل الثامن (نهاية لي و بداية لغيري)

و عند الشيخ قرأ لها آيات من القرآن الحكيم حست براحة جميلة و دمعت عيونها من غير ما تحس و أوصاها بالأذكار و قراءة القرآن , و روحوا و هي مرتاحة و راحتها خلت والدتها تفرح و قالت غُمة و إنزاحت , و نامت ليلتها مرتاحة و مشافتش حاجة تدايقها في منامه ا, و تاني يوم رجعت لحياتها بشكل طبيعي و كانت فرحانة جداً و هي راجعة لحياتها الحلوة و قررت تحاول ولو هتدفع تحويشة عمرها لأي واسطة عشان تحول من مستشفى اللي بتشتغل فيها في إسكندرية لأي شغل في كفر الدوار , و لما جه الليل شافته ... شافت اللي بيحكوا عنه و اللي سبيلها الخوف و القلق في حياتها و لكن من دهرة مشافتش وشه و هو بيقول : " إرجعي ... إرجعي عشان تساعدي غيرك إنتي اللي حبيبها المرة دي بجد مش علوز واحدة غيرك إرجعي و إنقذي غيرك " و بعدها إختفي قامت من نومها بسرعة راحت للشيخ من غير حتي ما تقول لوالدها بص الشيخ لتحت علي الأرض و مردش عليها بس كل اللي قاله إن أحياناً ممكن الإنسان يضحي عشان غيره أو يستمر و يناضل عشان نفسه , رجعت من عنده بتفكر في اللي قاله مش عارفة تعمل إيه , وقالت لوالدها إنها شافت العفريت في المنام و لكن مقاتلتش اللي قاله عشان متقلقلش , و في ليلتها والدتها عملتها زار مفاجيء عشان متخافش و متعرضش عشان مش بتؤمن به و بدأ الزار و الخيط و الرزح و يخلوها تلف حوالين صينية فوقها حاجات عجيبة و حاطين ديك محضرينه للدبح و هي مش فاهمة مش مرتاحة و الست المسئولة عن الزار عماله تقول كلام عجيب غريب بس المفهوم منه شويه هو شتيمة للعفريت

و دعاء عليه و هي بتلف و فجأه لقوا الست دي التخينه جداً
وزنها يمكن فوق المية كيلو و لابسه جلابية سودة فجأه
بتغرغر و كأن روحها بتطلع و مبلقة و ماسكة حاجة كأن
في إيد بتخفها و مش قادرة تأخذ نفس خالص إتجمعوا حواليتها
و كل ما حد يحاول يساعدها بوقع علي الأرض و هي خلاص
بتموت و بدأ الناس اللي بيشتغلوا معاها يهربوا من المكان و
واحد و هو بيجري كان بيقول ده عفريت قوي محدش هيقدر
عليه محدش هيقدر عليه و هو خايف و مذعور , لكن هي
قربت منها و هي مش خايفة و والدتها حاولت تحذرها و هي
بتبكي و تقول إرجعي يا بنتي تعالي و لكن هي كملت و وقفت
عند الست اللي خلاص بتموت و قالت : " خلاص أنا هرجع
سيبها " و في اللحظة دي الست بدأت تتنفس عادي بس
بصوت عالي و وقعت علي الأرض و هي بتبصلها و لما
هديت حبه قالت بصوت متقطع خايف : " خلاص يا بنت إنتي
لازم زار أقوي و نسخر... " و قبل ما تكمل كلامها قاطعتها و
قالت : " خلاص يا ست متشكرين مفيش محاولات تاني " و
كأن الست إرتاحت لكلامها و كأنها عارفة إنها هتتعب معاها
و مكن تتأذي و قامت بصعوبة بسبب وزنها الثقيل و مشت
بعيد عنهم تجري علي قدر ما تقدر , إبتسمت هديل لوالدتها و
قبلتها و قبلت إخوتها الصغار و نظفت البيت و حضرت
العشاء و لكن والدتها حست بإنها و كأنها بتودعهم و حلفت
عليها مش هترجع تاني إسكندرية تشتغل و لو هيشحتوا مش
مهم , و نامت هديل في حضن إخواتها و والدتها و في اليوم
التالت غافلت والدتها بعد العصر و ذهبت لمحطة القطر
نظرت نظرة أخيرة إلي بلدها الحبيب و بعدها ركبت القطر و
رجعت لنهايتها و في تمام الساعة اتنين باليل و وقفت في نص
الشارع مبتسمة و هي بتبص لكل البيوت اللي حواليتها و اللي
خايفين ورا الشبابيك باصين عليها و لكن هي مش خايفة و

فجأة قامت رياح كثير و صوت هوا عالي و في الرياح تراب
و غبار لفها من حواليتها و فجأة هدأت الرياح و اختفت
هديل..... إلى الأبد .